

11. maj 2010

UPA 2010/96

Allannguutissatut siunnersuut

uunga

Siunnersuut: Pujortarnermik inerteqquteqarneq pillugu Inatsisartut inatsisaat nr. xx, ulloq. qaammat 2010-meersoq

Pingajussaaneernejarnissaanut Naalakkersuisunit saqqummiunneqartoq.

§ 9-mut

1. § 9, *imm.* 3, imatut oqaasertaqassaaq:

”*Imm.* 3. Naalakkersuisut malittarisassanik tarnikkut napparsimasut mattusaausut napparsimmavinni uninngatinneqartut eqqarsaatigalugit, pineqaatissinneqarsimasut Kalaallit Nunaanni inissinneqarsimasut eqqarsaatigalugit kiisalu pineqaatissinneqarsimasut aamma tiggummigallarneqartut Kalaallit Nunaanni politiit isertitsiviiniittut eqqarsaatigalugit illup iluani pujortarsinnaatitsisunik qaqutigooraluartumik aalajangersaasinnaapput.”

Siunnersuut pillugu oqaaseqaatit

Oqaaseqaatit nalinginnaasu

Pujortarnermik inerteqquteqarneq pillugu Inatsisartut inatsisissaattut siunnersuummi 7. april 2010 ullulerneqarsimasumi takuneqarsinnaavoq Naalakkersuisut malittarisassanik tarnikkut napparsimasut mattusaausut napparsimmavinni uninngatinneqartut aamma pineqaatissinneqarsimasut Kalaallit Nunaanni inissinneqarsimasut eqqarsaatigalugit illup iluani pujortarsinnaatitsisumik qaqutigooraluartumik aalajangersaasinnaasut.

Kalaallit Nunaanni Politimesterip allakkatigut 29. april 2010 ullulerneqarsimasutigut erseqqissaatigaa pineqaatissinneqarsimasunut inissiisarfinniitinnegartunut immikkut ittumik akuersissuteqarsinnaanermik periarfissiinermut tunuliaqutaasut aamma inunnut, tiggummigallarneqarlutik politiit isertitsiviiniittunut imaluunniit pineqaatissinneqarsimallutik isertitsivinniittunut aammattaaq atuuttariaqartut. Ilanngullugu Kalaallit Nunaanni Politimesteri isumaqarpoq immikkut ittumik

akuersissuteqarsinnaanermik periarfissiisoqarsinnaasariaqartoq pisuni, ilisimannittut il.il. naalagaaffiup killisiuisarfiiniittoqartillugu.

Tamanna tunngavigalugu Kalaallit Nunaanni Politimesterip siunnersuutigaa Naalackersuisut malittarisassanik illup iluani pujortarsinnaatitsisunik qaqutigooraluartumik aalajangersaasinnaanerat aammattaaq inunnut tigummigallarneqarlutik politiit isertitsiviiniittunut imaluunniit pineqaatissinneqarsimallutik isertitsivinniittunut aamma naalagaaffiup killisiuisarfiiniittunut atuutissasoq.

Allannguutissatut siunnersuutip kingunerisaanik § 9, imm. 3 annertusitinneqarpoq tigummigallarneqartunut pineqaatissinneqarsimasunullu politiit isertitsiviiniittunut aamma atuuttussanngortillugu.

Naalackersuisut isumaqanngillat aalajangersagaq annertusineqassasoq inunnut naalagaaffiup killisiuisarfiiniittunut aamma atuuttussanngortillugu, allat inini killisiuisarfiinniittariaqartut eqqarsaatigalugit. Maluginiarneqassaaq inuit nammineq piomassuserinngisaminnik tupap pujuanik pujoorfigitinnikkut navianartunik kingunipiloqartunik najuussuinissaasa pinaveersimatinneqarnissaa inatsisikkut siunertarineqarmat.

Aalajangersakkamut oqaaseqaatit allannguutit naapertorlugit iluarsineqarput.. Tamatuma saniatigut allanngortitsisoqanngilaq.

Inatsisissatut siunnersuutip aqutsinikkut kingunerisassai

Inatsisissatut siunnersuut aqutsinikkut kinguneqassanngilaq.

Inatsisissatut siunnersuutip aningaasaqarnikkut kingunerisassai

Inatsisissatut siunnersuuti aningaasaqarnikkut kinguneqassanngilaq.

Aalajangersakkat ataasiakkaat pillugit oqaaseqaatit

Nr. 1-imut

Inuit pineqaatissinneqarsimallutik imaluunniit tigummigallarneqarlutik politiit isertitsiviiniittut imm. 3-mi aammattaaq ilaatinneqarput.

